

اجتهاد

محاربه اطرافنده

آوستریا - مجارستان مسئله سی

پانسلاویسم جریانی یابستون اورته دن
قالقه جق و یاخود خارجه قارشى باش
قالدیرمه جق صورته دوچار
ضعف اوله جقدر و بوکا مقابل
آوستریا - مجارستان حکومتی فوق العاده بر صورته کسب
قوت ایده جکدر .

محاربه دن صوکره آوستریا - مجارستان ایچون عنصر
قوت ، توسیع ممالکدن ، صربستانک قسماً ویا کاملاً الحاقندن
عبارت اولیه جقدر . بونلر وحدت ملیه دن محروم اولان
برمملکت ایچون عنصر قوت اولمقدن پک اوزا قدر . فقط
بودولتک اکتساب ایده جکی اک بویوک عنصر قوت و متانت
آلمانیا ایله تمامیه برلشمه سندن عبارت اوله جقدر .

محاربه دن اول آوستریائی تهید ایدن تهلیکه لک بری
بان جهرمانیزم ایدی . آلمانیا ده ، میراثک بر قسم کلیسنه قومق
ایچون آوستریانک اضمحلانلی آرزو ایدن سیاسیون نادر
اولدیفنی کی آوستریا ده دخی طوغریدن طوغری به آلمانیا به
التحاق ایتمی آرزو ایدن کیسه لر آزدکلدی . آوستریا -
مجارستان داخلی ویا خارجی بر بحرانه گرفتار اولنجه
آلمانیا نک فرصتدن استفاده یه قالقه جغه احتمال ویرن برچوق
بدینلر واردی .

فقط بوتدن صکره آرتق بوکی بدینانه اندیشه لر
قطعیاً محل قالمیه جقدر . چونکه آلمانیا ایله آوستریا - مجارستان
آره سنده اغلب احتمال کوره اتفاق دکل اتحاد پیدا اوله جقدر .
بوکون میدان حربده برلشمکه اولان قانلر شبهه سزکه

محاربه میدانلرندن کان طوپ
تفک طراقلرینک تأثیرندن وارسته
اوله رق دوشونمکه ، آتی به کمال
سکون ایله عطف نظر ایتمکه موفق

اولانلر جهان مدینتک شکل حاضرینی زیر وزبر ایده جک
برچوق مهم مسئله لر تصادف ایدر . بومسئله لرک بریسی ده
آوستریا - مجارستان مسئله مؤبد سیدر . اوتد نبری سیاست
عالمندیه اقصادی شرق ، شرق قریب ، بالقانلر کی مسئله لر
موجود اولدیفنی کی برده آوستریا - مجارستان مسئله سی
اورته ده دونوب طولاشیوردی . بو مسئله حقنده درمیان
اولنان حکم و مطالعه لرک جمله سی آوستریا مجارستان ایچون
پک نیکیینانه دکلدی . بومملکتی محقق برانقراضه معروض
کوسترمک ایچون پک چوق مطالعه لر درمیان اولنمشدی .
مملکتده وحدت ملیه موجود اولماماسی ، برچوق عناصرک
مخاصم دولتلره توجیه نظر ایتسی ، پانسلاویسم جریانک
کوندن کونه توسیعی کی جهتلر برچو آوستریا متفکرلرینی
بیله دوشوندریوردی .

فقط اغلب احتمال کوره محاربه حاضره شرق مسئله سنی
صورت قطعیه ده حل و تسویه ایده جکی کی آوستریا - مجارستان
مسئله سنی دخی تمامیه برطرف ایده جکدر .

فی الواقع وسطی اوروپا دولتلرینک مظفریتی تحق
ایتدکدن صکره ، آرتق آوستریا - مجارستانک بقا و موجو -
دیتی تهلیکه یه القا ایده جک هیچ بر حال موجود اولیه جقدر
برکره آوستریا - مجارستانک اک بیوک دشمنی اولان

اقتصادی اختلافزدن طولانی دوجار زلزل اولمسی مساعده ایتک جاتر میدر؟ بز نه قدر مساعده تجارت معاهده لری عقد ایتسه ک بو اختلافاتک اوکئی آلمق قابل دکدر . بناءً علیه بز قورو بر اتفاق ایله اکتفا ایدرسه ک دشمنلریز بو اتفاقه واهی و باطل نظریله باقه جقلردر . »

برنس یسمارق بولایحه ویردیکي جوابده شویولده اداره کلام ایتشدر :

« بز بواتحادی غایه امل اوله رق اتخاذ ایتلیز . بو غایه امله قولایقله مظهر اولوب اولمیه جغمزی بیله م . شو قدارکه بو غایه یه طوغری نه قدار یاقلا شیرسه ق منافع سیاسی و ملیه من اودرجه تقویه پذیر اوله جقلردر . »

۱۸۸۰ تاریخده برلینده انعقادیدن آلمان اقتصاد یون قونغرده سی بومسئله دور و دراز مناقشه ایدلمش آوستریان کلن مرخصلر علی الاکثر اتحادک لهنده آلمانیا مرخصلرینک جوغی علیهنده اداره کلام ایتشلردر . بر قاق سنه اول آوستریاده « تروپانو » تجارت اوطه سی بو مسئله یی اورتیه سورمش و بوکا دائر تدقیقات و تحقیقات اجرایی تکلیف ایتشدر . تجارت اوطه لرندن کلن جوابلرده علی الاکثر علیهنده بیان رأی و مطالعه اولنشدر . مع مافیه صوک زیارتلرده پارلامنتوده و محفل علمییه ده یک مهم موقعلر اشغال ایدن سیاسیون بو مسئله یی شدتله ترویج ایتشلر و بو فکرک طرفدارانی صناعیون و زراعیون میاننده بیله تزید ایتسه موفق اولشلردی .

فی الواقع بو کمرك اتحادی قوددن فعله چیقارمق ایچون محاربه دن صوکره یک چوق مشکلاته تصادف ایده جکدر . فقط اتحادک خارجه قارشى اولان تأثیرى اودرجه قوتلی اودرجه لزوملی اوله جقلردکه بعض افرادک ودها طوغریسی بعض صنوف اهالینک منافعی فدا ایتک خصوصنده قطعاً تردد اولمیه جقلردر .

بو ایکی معظم دولت آره سنده سیاسی ، عسکری و اقتصادی اتحادلر اساسکیر اولمسی آلمان مدینتی ، آلمان عرفانی ایچون یک بیوک برمدار ترقی اوله جقلدن بوتون جهان مدینت و باخصوص بزم کبی آلمانلرک متققلری بولناللر معاً یک زیاده استفاده ایده جکلردر .

م . قوه سه

ایکی ملتک قبلرینی برلشدره جکدر . قبلر بر ، منفعتلر بر اولدقدن صکره ایکی مملکت آره سنده بر کمرك اتحادی تأسیس ایتک کوچ برشی اولمیه جقلدر ایکی مملکت آره سنده کمرك اتحادی تأسیس ایتدکن صکره آوستریا - مجارستانده عناصر مختلفه نك موجودیتی هیچ بروقت موجب اندیشه اوله منز . آوستریانک التحاقیله حاصل اوله جق اولان جرمانلق کتله عظیمه سی دیگر کوچک ملتک اوزهرینه غایت جاذبه دار بر تأثیر اجرا ایده جکدر . قوه جاذبه سندن قوجه آلمانیا نك مظاهرت فعلیه سندن امین اولان آوستریا حکومتی دیگر عنصرلرک سربستی و استقلاللرینی تحدید ایتکه اصلا لزوم کورمیه جکدر . اسلاولر ، روملر ، ایتالیا نلر ملتلرینی ایسته دکلری قدر ایلری کوتورسونلرینه آلمانیا هکمه مونیاسی آلتدن صیرلمیه اصلا موفق اوله منلر و احتمالک بوهکمه مونیایی کندیلری ایچون بر نعمت عدا ایده جکلردر . آرتق بوندن صوکره پانجرمانیزم تهلیکه سندن بحث ایتکده محل قلمز . چونکه کمرك اتحادی تأسیس ایتدکن صکره بتون آوستریا - مجارستان بیوک آلمانیا نك اجزاسندن معدود اوله جقلردر . هابسبورغ خاندانک بقا و موجودیتی و بو کبی احوال بو حقیقی اتحاد اصلا حلل ایراث ایده میه جکدر .

آوستریا - مجارستان ایله آره سنده کمرك اتحادی محاربه دن اول دخی موضوع بحث اولشدی . او وقت بوکا ک زیاده مانع اولان شی فرانسه ایله آلمانیا آره سنده منعقد فراتفقورت معاهده سی ایدی . فراتفقورت معاهده سنده مبادلله اموال تجاریه ایچون فرانسه یه « ک زیاده مظهر مساعده اولان دولت » حق بخش اولنشدی . آلمانیا آوستریانک اموالندن کمرك آلمقدن صرف نظر ایدرسه شبهه سزکه فرانسه دخی عینی حق ادعا ایده جکدی .

برنس یسمارق دخی بو مسئله ایله جدی صورتده اشتغال ایتشدر . مجارستان پارلامنتوسنک ک نفوذلی اعضاسندن غیدو فومه باوسرن نامنده بر ذات مشار الیه کمرك اتحادینک فوائد و محسناتی حقنده مفصل بر لایحه تقدیم ایتش و سوزلرینی شو صورتله بتیرمشدر :

« آوستریا - مجارستان ایله آلمانیا آره سنده معالسه حاصل اولان ایکی اتفاق قوتی ایکی مملکت آره سنده حصولی طبیعی اولان